

Kao Kupac: Kantonalno javno komunalno preduzeće „RAD“ d.o.o. Sarajevo, ulica Paromlinska 57, Sarajevo, koga zastupa direktor Selim Babić dipl.ing.građ.

Identifikacioni PDV broj: 200316890001

Porezni broj: 01700105

Broj rješenja: UF/I-889/01

Transakcijski broj računa: 338-900-22080776-49

UniCredit banka dd Sarajevo

i

Kao Prodavac:

Konzorcijum „BOMAG“ GmbH, Helerwald, D -56154 Boppard, Njemačka, koga zastupa izvršni direktor prodaje Bärbel Baldassari

Identifikacioni broj: DE 811175971

Broj rješenja: Koblenz HRB7142

Transakcijski broj računa: DE 43 5704 0044 0204 8700 00

Kommerzbank Koblenz

i

„BONECO“ d.o.o. Tuzla, ulica Izeta Sarajlića C-9, koga zastupa direktor Goran Klempić koji je ovlašten da izvrši uslugu uvoza predmeta nabavke

Identifikacioni broj: 4400968980009

Broj rješenja: MBS 1-11070-00

Transakcijski broj računa: 555-007-0020262005

Nova Banka a.d. Banja Luka

zaključili su

U G O V O R O NABAVI KOMPAKTORA ZA OTPAD

PREDMET UGOVORA

Član 1.

Predmet ovog Ugovora je nabavka kompaktora za otpad, u skladu sa ponudom Prodavca broj 15-02/18 od 15.02.2018. godine koja je sastavni dio ovog Ugovora, prema Odluci o rezultatima okončanog postupka javne nabavke broj 05-03-04-3683/18 godine od 05.03.2018. godine donesene po Obavještenju o nabavci objavljenom na portalu javnih nabavki dana 10.01.2018. godine.

Član 2.

Prodavac se obavezuje da će Kupcu isporučiti kompaktor za otpad: Bomag BC 772 RB-2 tehničkih karakteristika datim u Ponudi broj 15-02/18 od 15.02.2018. godine.

CIJENA

Član 3.

Ugovorena cijena za motorno vozilo iz člana 1. i 2. ovog ugovora iznosi 700.000,00 KM bez uračunatog poreza na dodatnu vrijednost.

U cijenu ponude su uračunati svi troškovi usluge transporta mašine do Sarajeva, uvozna provizija i osiguranje, carinske takse i obrasci, carinsko posredovanje, špediterske usluge, provizija banke i troškovi bankarske garancije za carinu.

GARANCIJE

Član 4.

Prodavac je obavezan dostaviti garanciju za dobro izvršenje posla u iznosu od 10% od vrijednosti Ugovora. Rok za dostavljanje garancije je 10 dana od dana potpisivanja Ugovora.

ROK I MJESTO ISPORUKE

Član 5.

Rok isporuke za motorno vozilo iz člana 1. i 2. ovog Ugovora je 120 dana po potpisivanju ugovora, a isporuka će se izvršiti kod KJKP „RAD“ d.o.o. Sarajevo – Sanitarna deponija „Smiljevići“.

Član 6.

U skladu sa Ugovorom o konzorciju od dana 11.01.2018. godine, „BONECO“ d.o.o. je ovlašten da izvrši uslugu uvoza predmeta nabavke. Usluge uvoza i špedicije su predmet ponude za spoljnotrgovinsko posredovanje od 23.02.2018. godine, koja je dio ponude broj 15-02/18 od 15.02.2018. godine.

NAČIN PLAĆANJA

Član 7.

Ugovorne strane su saglasne da će Kupac izvršiti uplatu iznosa iz člana 3. ovog Ugovora u roku od 60 dana od dana isporuke predmeta Ugovora iz člana 1. i 2. ovog Ugovora.

OBAVEZE PRODAVCA I KUPCA

Član 8.

Prodavac se obavezuje da će za isporučeno vozilo dostaviti kompletnu tehničku dokumentaciju, upustvo za rukovanje i servisiranje kao i katalog rezervnih dijelova na jednom od lokalnih jezika.

Član 9.

Prodavac se obavezuje da će obezbjediti raspoloživost originalnih rezervnih dijelova u periodu od narednih deset (10) godina minimalno.

Član 10.

Prodavac se obavezuje da će obezbjediti servis u BiH kod „BONECO“ d.o.o Tuzla, Izeta Sarajlića C-9, Bosna i Hercegovina. Također se obavezuje da će obezbjediti mobilnu ekipu za servisiranje i usluge servisa u roku od 0-24 sata od strane stručnih i obučениh servisera.

KVALITET

Član 11.

Kvalitet i ispravnost vozila se utvrđuje prilikom primopredaje vozila, što potvrđuje Komisija za prijem vozila potpisom na računu - otpremnici

Reklamacije na robu, Kupac će dostaviti u obliku Komisijiskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

Član 12.

Prodavac se obavezuje da će dati garanciju na sve sklopove mašine u trajanju od minimalno godinu (1) dana bez ograničenja na sate rade.

Prodavac se obavezuje istu dostaviti prilikom isporuke vozila.

IZMJENE I DOPUNE

Član 13.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mijenjati ili dopunjavati ovaj ugovor pod uslovom da su ga potpisali ovlašteni predstavnici ugovornih strana.

SPOROVI

Član 14.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 15.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

Član 16.

Sastavni dio ovog Ugovora je Ponuda broj broj 15-02/18 od 15.02.2018. godine.

Član 17.

Ovaj Ugovor stupa na snagu kada ga potpišu obje ugovorne strane i traje do datuma izvršenja obaveza koje su predmet ovog Ugovora.

Član 18.

Ugovor je sačinjen u 6 (šest) istovjetnih primjeraka, od kojih 4 (četiri) primjerka zadržava Kupac, a 2 (dva) primjerka zadržava Prodavac.

Za Konzorcijum:
„BOMAG“ GmbH
Izvršni direktor prodaje

Bärbel Baldassari

KJKP "RAD" d.o.o. Sarajevo

Direktor

Selim Babić dipl.ing.građ.

UVOZNIK I ŠPEDITER
„BONECO“ d.o.o. Tuzla

SUPOTPISNIK UGOVORA
Predsjednik Nadzornog odbora

Hajrudin Omerbegović, MA – dipl.ing.saobr.

Broj: 05-03-03-4860/18
Datum: 26.03.2018. godine